

北京圖書館
編

北京圖書館藏家譜叢刊
閩粵（僑鄉）卷

北京圖書館出版社

節堂祖世德堂祠址圖

吳堯階繪

承接以上第 十三頁 慧聰 公派圖
承接以上第 十三頁 特也 公派圖

責任編輯 四十
封面設計 四十
定價 七世

賈貴榮
李 璿



節堂祖世德堂祠址圖

吳堯階繪

北京圖書館藏家譜叢刊
閩粵
(僑鄉)卷

北京圖書館

編



A0855731

第 11 冊

北京圖書館出版社

節堂陳公祠

節堂祖世德堂祠址圖

吳亮階繪

北京圖書館藏家譜叢刊
閩粵
(僑鄉)卷

北京圖書館
編



A0855732

第 12 冊

北京圖書館出版社


節堂祖世德堂祠址圖

吳堯階繪

北京圖書館藏家譜叢刊

閩粵（僑鄉）卷

北京圖書館
編



A0855733

第 13 冊

北京圖書館出版社

節堂陳公祠

節堂祖世德堂祠址圖

吳亮階繪

北京圖書館藏家譜叢刊
閩粵
(僑鄉)卷

北京圖書館
編



A0855734

第 14 冊

北京圖書館出版社

節堂陳公祠

節堂祖世德堂祠址圖

吳堯階繪

北京圖書館藏家譜叢刊
閩粵
(僑鄉)卷

北京圖書館
編



A0855735

第 15 冊

北京圖書館出版社

節堂陳公祠

螺洲小序

螺洲之名何自昉乎或謂川光鏡靜而洲澹掩隱約狀如青螺故云按晉安志以螺江與甘蔗洲毗連後爲洪水衝齧江徙而南因舉干寶搜神記謝端遇徐女仙遺事以證之今考徐女飛昇之地在高蓋山有徐女峯遺跡余家與高蓋不過三里徐女專祠唯吾鄉虔祀已久則勝跡流傳又在此而不在彼也明矣洲在省會三十里之南四圍皆水水之外諸峯環拱其最勝者鼓山聳其北一望深秀蔚然卓立而城門大頂峯蜿蜒東轉至

方岐山結爲盤石隱隱伏水而來中分爲小支者曰鳳
山牌下山磨石山黃巖山沂山或爲三台綿亘或于水
濱聯絡是殆此洲之地脈乎洲之南有山橫峙若屏案
焉曰方山方山者以產方竹名五峯巖業故又謂五虎
山洲之東西建爲輔弼者曰石步山高蓋山大象山旗
山文山鰲山其形勢脈絡端倪呈露皆在若近若遠間
所謂有山水之樂無山水之逼者此也謹按晉安志福
郡受上游汀建延邵四郡水經古田閩清二縣界至白
沙驛分爲二派一派自北而東者循岳山至洪山江鼓

山江會馬頭江入海一派自西而東者循洪塘至金鎖江又合永福縣之水過仙峙江螺洲江烏龍江會馬頭江入海螺洲適當仙峙之下烏龍之上衆水至此必潏洄淵渟涵浸太虛然後委委蛇蛇排峽門而達于海江之東石馬爲二峽之關鍵羅星塢作砥障于中流無廣陵之洶湧而有金焦之蕩漾故生於其間者濶達知大體而少拘牽齷齪之習其清淑之氣所鍾者然也洲之肇遷不知始於何氏也廢興已非一姓唯余家與吳姓林姓聚族爲最久文運啓祥爲最盛自明永樂間林公

理以明經舉順天吳克禮由主簿游陞少司空後以孝廉茂才著者遂駸駸輩出迨嘉靖戊戌陳東之成進士官民部膺清廉宴文章節義蔚爲一代之宗 國朝崇儒重道化被海隅士之爭自濯磨者視昔有加焉百餘年來宴曲江者七人歌鹿鳴者三十餘輩家絃戶誦幾於比戶可封仕王朝膺民社於今未艾也殆所謂地靈則人傑歟抑詩書之貽澤孔長先達之淵源有自其所由來也漸矣余生也晚未獲從浴齋直園于岡石鐘正洲諸君子遊考所謂東聚堂羅漢園南金園者半歸闕

闔半沒荒蕪逸事不可得其詳矣然而吳司空陳農部
之政績流風其子孫家乘可考也括囊子晞髮生之文
章逸行故老猶有能道其事者江之濱水木清華亭舊
址巋然吳邑侯觴咏高風如在目前乎當夫暑雨乍晴
皓月初上攜斗酒挈良朋駕一葉之扁舟凌長江之萬
頃風帆沙鳥水色山光歷亂心目蘧蘧乎有遺世獨立
羽化登仙之意焉旣而長歌返棹徐步江干則屏翠樓
向若樓亦窺園諸精舍詩書之聲琅琅也此何必歷武
夷九曲尋瀛海三山始信其爲洞天福地耶顧或謂螺

洲一村落耳寢廟賽蜡有古遺風焉而祠宇之衆建毋
乃諂歟文廟之祀毋乃僭歟余曰不然建文廟祭以二
丁勸學興賢也郡志謂螺江社學是也立文昌宮者四
萃鄉子弟肄業其中也卽朱文公義學遺制也祀徐女
仙者二不忘所自始也建天妃宮者二有大功德於民
則祀之也建靈顯廟者四能禦大災捍大患則祀之也
夫揭虔妥靈國之常典行於郡則有司主之行於鄉則
鄉之耆德主之而豈僭與諂之謂乎嗟乎士君子時際
昇平身居樂土一邱一壑固足以明吾志尤貴體朝廷

之德化以善草野之風俗斯仁里休聲播於無窮耳吾鄉人以地盛亦地以人傳其地清流環繞可以通瘴惡故春夏無瘟疫之災其田溝渠四達大澤疏濬故三時無水旱之虞此地爲之也其俗崇師儒而敦禮讓勤服賈而力耕作故淫佚爭訟之風不概見其第宅園亭無侈靡之觀而於橋梁道路必繕治完固蓋先輩自奉儉約而樂於義舉此風相沿爲已久矣若此者則人爲之也余聞之故老云林浦文安公入吾鄉流連咏歎而不忍去吾族螺江公五十致仕優游林下四十餘年之兩

賢者皆以敦風俗興教化爲已任也豈徒耽於山水之
樂也哉

螺江總圖

